

Fundacion Ban Uni Man Pa Cria Nos Muchanan

Cada aña tin mas mucha sin desayuno pero reserva ta cabando

ORANJESTAD - Fundacion Ban Uni Man Pa Cria Nos Muchanan a wordo lanta 13 aña pasa pa duna ayudo alimenticio pa e muchanan cu ta bay scol sin nada den nan bariga. Aunke e ta un bunita obra no semper e fundacion por cumpli cu e demanda ya cada aña escolar tin mas mucha na remarca pa haya algo di come y bebe.

Director di e fundacion, sr. John Fun a declara cu na aña 2001 nan a cuminsa cu 110 mucha kiermen 110 sponsor y na momento aki nan tin 140 sponsor na hospital so. Riba henter isla nan tin 600 hende total cu ta sponsor un mucha. E problema actual ta cu nan tin 795 mucha, kiermen cu nan tin mester di alrededor

di 195 sponsor pa atende cu e necesidad di e muchanan.

Cantidad di mucha ta subi

Actualmente e grupo di mucha cu ta wordo beneficia di e ayudo aki ta 795, pero e ta bay subi –segun sr. Fun– ya cu tur aña e ta subi un tiki. Tur aña e fundacion aki ta manda na cuminsamento di aña escolar un e-mail of fax pa tur scol basico, unda nan ta pidi pa por fabor ahusta e lista di cantidad di mucha. Tin bi-aha mirando cu e muchanan ta bay otro scol nan ta baha e cantidad y otronan nobo ta hisa bek di otro banda.

Personalmente sr. Fun ta zorg pa yuda e muchanan di un scol banda di su cas, nan ta 6 mucha so pero e aña aki el

a subi pa 8 mucha. “Ya nos ta tuma nan paso unda nos por yuda un mucha nos ta yuda”, el a bisa.

Aña pasa e fundacion cu hopi dolor den nan curason mes-ter bin cu medida di austeridad, ya cu solamente un scol a bin cu 30 mucha y e fundacion no por atende total-mente e grupo aki pa motibo financiero.

Muchanan cu mester ayudo

Ora cu Bon Dia Aruba a puntra sr. Fun cual ta e caracteris-tica of perfil di e muchanan cu ta wordo yuda?, el a bisa cu ta difcil pa defini nan. Di un banda no ta e fundacion esun cu ta kies e muchanan sino cu nan ta laga e scol mes pa haci e trabou aki. Ya cu nan

ta esunnan cu tin contacto di-recto cu e muchanan y nan sa pa medio di e docente kende ta e muchanan cu por y cual no por.

E ta bisa cu tin mucha cu gewoon pa e flohedad di e mayornan por ta no ta bin cu un cos di come. Y esey nan como fundacion no sa, p'esey ta laga scol mes kies e muchanan. Pero estadistica ta muestra y di papia cu e hen-denanan nan ta realisa cu hopi di e muchanan aki ta bin for di famia des funcional caminda tin un mayor so, y di esey mayoria naturalmente ta hende muhe cu tin un of dos yiu cu su partner a laga nan. Esaki ta un di e problema mas grandi, segun sr. Fun.

E ta haya e situacion aki lam-entabel ya cu nos pais ta uno stabiel caminda tin trabou pa duna hende, pero bo mester tin dos entrada pa bo por cria un famia. Ya cu ta difcil pa un hende muhe soltero por cria su yiu of yiunan cu un salario minimo.

Reserva ta cabando

E aña pasa y e aña aki e fun-dacion ta purba di wanta e grupo di mucha ya cu nan ta sinti cu nan fondo ta bahan-do substancialmente. Actu-almente nan ta cerando nan bukinan di aña 2013 y ya caba sr. Fun ta mira cu e placa no ta bay yega. “Un dia e ta bay caba, mi ta calcula otro aña of aña 2016 nos no tin reserva mas”, asina sr. Fun a declara.

Nan mester kibra hero cu man pasobra te hasta e con-tribucion di 25 florin pa luna no ta yega pa cubri e totalidad di e gastonan. Un mucha su alimentacion basico kiermen un desayuno ta costa pa luna alrededor di 38 pa 40 florin. Tur mainta e muchanan ta haya un sandwich y un cos bebe. Esaki nan ta haya tur mainta y tur dia di scol sin hera. Tur esaki ta wordo tra-ducido den gastonan alrededor di 24 pa 25 mil florin pa luna.

Aunke e iniciativa aki a nace como un proyecto social di Dr. Horacio Oduber Hospi-tal caminda e trahadonan ta contribui cu nan salario pa alimenta un mucha di scol, actualmente e donacion ta bin di diferente hende.

E trahadonan di hospital a cuminsa cu un contribucion di 20 florin pa luna y actual-mente el a bira 25 florin ya cu



tin mas mucha y e produc-tonan su prijs ta subi.

Sr. Fun a bisa cu aparte di e sponsornan e fundacion mester di donacion tambe pa por sobrevivi. Igualmente si nada otro lo cambia y e canti-dad di sponsor no ta aumenta Fundacion Ban Uni Man Pa Cria Nos Muchanan mester baha e cantidad di muchanan di 795 kisas pa 550. “Esey naturalmente nos no kier haci”, el a laga sa.

Mester di sponsor

Unabes cu e fundacion ta cera buki di 2013 nan ta bay cuminsa un campaña prome den hospital mes pa wak si nan por haya mas sponsor. Nan mester tin por lo menos mes tanto sponsor cu nan tin mucha.

E ta admiti cu no ta difcil pa haya sponsor cu ta sostene e bunita obra social aki, pa-sobra ora cu nan ta bisa un hende nan ta dispuesto pa contribui, ya cu 25 florin pa yuda un mucha no ta nada pa luna. Pero e problema ta sinta pa bo por haya nan pa bay banco y skirbi un ordo pa automaticamente e donacion pasa pa e cuenta di e funda-cion cada luna.

E hendenan no ta gusta para den rij pa cumpli cu e pro-ceso cu ta wordo existi. Awor nan ta haciendo uzo di otro via doño di trabou cu ta yena un formulario y for di salario di e trahado e contribucion ta wordo lanta y pasa automati-camente pa e fundacion.

Ora cu e cifranan ta cla y nan tin un panorama mas cla riba e situacion financiero di e fundacion, nan ta bay pa-pia cu e doñonan di trabou pa wak si nan por convence nan pa nan coopera. Sr. Fun a gradici Bon Dia Aruba ya cu si hende no sa di e situa-cion aki dificilmente nan por yuda. □